

Visoki predstavnik se sastao sa liderom Evropske narodne partije u EP, Manfredom Weberom



Visoki predstavnik Valentin Inzko sastao se u Briselu sa Manfredom Weberom, poslanikom u Evropskom parlamentu (EP) i liderom Evropske narodne partije u EP. Visoki predstavnik je sa g. Weberom razgovarao o trenutnoj političkoj situaciji u Bosni i Hercegovini, te naglasio u kojim oblastima je iznimno značajno da se postigne napredak kako bi se omogućilo neometano funkcioniranje zemlje i njen daljnji put ka Evropskoj uniji.

“Poruka iz Evrope je jasna. Bosanskohercegovački politički lideri moraju uložiti više napora i raditi brže kako bi zadržali zamah postignut podnošenjem odgovora na upitnik Evropske komisije.”

Visoki predstavnik je također informirao g. Webera o angažmanu EU i SAD kako bi pomogli domaćim političarima da pronađu rješenje za pitanja u okviru izborne reforme, a kako bi se omogućilo neometano provođenje izbora i implementacija izbornih rezultata.

„Još ima vremena da se dođe do rješenja koje bi bilo zadovoljavajuće za sve strane. Ono treba biti zasnovano na dijalogu i kompromisu, poštujući ustavne principe i sudske

presude“, rekao je visoki predstavnik.